



# COMUNA DI SASSARI

## ***REGURAMENTU SOBBRA LI FUNZIONI DI LA MUNICIPALIDDAI DI LA NURRA, L'ATTRIBUZIONI E LU FUNZIONAMENTU DI L'ORGHANI SOI***

*Testhu coordhinaddu di la diribarazioni di lu Cunsigliu comunari  
n. 70 di lu 16 di naddari di lu 2021  
e di la diribarazioni modifiggatiba:  
n. 29 di l'11 di maggiu di lu 2023*

## INDICE

<i>CABBU I</i>	<i>Attuazioni di lu decentramentu e istituzioni di la Municipariddai di la Nurra</i>	<i>Pag. 4</i>
<i>Arthicuru 1</i>	<i>Decentramentu comunari</i>	<i>Pag. 4</i>
<i>Arthicuru 2</i>	<i>Orghani di la Municipariddai</i>	<i>Pag. 4</i>
<i>Cabbu II</i>	<i>Lu Cunsigliu di la Municipariddai di la Nurra</i>	<i>Pag. 5</i>
<i>Arthicuru 3</i>	<i>Cumposizioni di lu Cunsigliu di la Municipariddai</i>	<i>Pag. 5</i>
<i>Arthicuru 4</i>	<i>Duradda in carrigga e iscioglimentu</i>	<i>Pag. 5</i>
<i>Arthicuru 5</i>	<i>Intradda in carrigga di l'eriggiddi</i>	<i>Pag. 5</i>
<i>CABBU III</i>	<i>Primma seduta di lu Cunsigliu – Cunvaridda di l'eriggiddi - Causi di zissazioni da la carrigga, surrogazioni</i>	<i>Pag. 6</i>
<i>Arthicuru 6</i>	<i>Cunvocazioni e presidenza di la primma seduta</i>	<i>Pag. 6</i>
<i>Arthicuru 7</i>	<i>Cunvaridda di l'eriggiddi</i>	<i>Pag. 6</i>
<i>Arthicuru 8</i>	<i>Decadenza da la carrigga</i>	<i>Pag. 7</i>
<i>Arthicuru 9</i>	<i>Dimissioni</i>	<i>Pag. 7</i>
<i>Arthicuru 10</i>	<i>Surrogazioni di li Cunsiglieri pa' zissazioni da la carrigga</i>	<i>Pag. 7</i>
<i>CABBU IV</i>	<i>Lu Presidenti di la Municipariddai</i>	<i>Pag. 8</i>
<i>Arthicuru 11</i>	<i>Duradda in carrigga</i>	<i>Pag. 8</i>
<i>Arthicuru 12</i>	<i>Zissazioni da la carrigga di Presidenti di la Municipariddai</i>	<i>Pag. 8</i>
<i>Arthicuru 13</i>	<i>Attribuzioni di lu Presidenti</i>	<i>Pag. 9</i>
<i>CABBU V</i>	<i>Arthicurazioni interni di lu Cunsigliu di la Municipariddai e organismi di parthizzipazioni di la Municipariddai di la Nurra</i>	<i>Pag. 9</i>
<i>Arthicuru 14</i>	<i>La costituzioni di li Gruppi cunsiliari</i>	<i>Pag. 9</i>
<i>Arthicuru 15</i>	<i>Gruppi di trabagliu e di parthizzipazioni di la Municipariddai di la Nurra</i>	<i>Pag. 10</i>
<i>Arthicuru 16</i>	<i>Cumposizioni e modariddai di costituzioni di li gruppi di trabagliu e di parthizzipazioni</i>	<i>Pag. 10</i>
<i>CABBU VI</i>	<i>Cunvocazioni di lu Cunsigliu</i>	<i>Pag. 12</i>
<i>Arthicuru 17</i>	<i>Iniziatiba di la cunvocazioni di lu Cunsigliu</i>	<i>Pag. 12</i>
<i>Arthicuru 18</i>	<i>Cunvocazioni Cunsigliu – Ordhini di la di</i>	<i>Pag. 12</i>
<i>Arthicuru 19</i>	<i>Pubbrizziddai di li cunvocazioni</i>	<i>Pag. 13</i>
<i>Arthicuru 20</i>	<i>Pubbrizziddai di li seduti</i>	<i>Pag. 13</i>
<i>Arthicuru 21</i>	<i>Segreteria di lu Cunsigliu di la Municipariddai di la Nurra</i>	<i>Pag. 13</i>
<i>CABBU VII</i>	<i>L'adunanzi</i>	<i>Pag. 13</i>
<i>Arthicuru 22</i>	<i>Trattazioni di l'arghumenti</i>	<i>Pag. 13</i>
<i>Arthicuru 23</i>	<i>Nummaru legari e disciplina di li seduti</i>	<i>Pag. 13</i>

<i>Arthicururu 24</i>	<i>Esecuzioni e modariddai di li seduti</i>	<i>Pag. 14</i>
<i>Arthicururu 25</i>	<i>Diribarazioni e resuggonti</i>	<i>Pag. 15</i>
<i>Arthicururu 26</i>	<i>La sara di l'adunanzi</i>	<i>Pag. 16</i>
<i>Arthicururu 27</i>	<i>Intradda di lu pubbrighu – Puteri disciplinari di lu Presidenti</i>	<i>Pag. 16</i>
<i>CABBU VIII</i>	<i>Li diribarazioni di lu Cunsigliu di la Municipaliddai – Rinvii di li diribarazioni da parthi di lu Sindaggu o di la Giunta</i>	<i>Pag. 16</i>
<i>Arthicururu 28</i>	<i>Cumpetenzi diribaratibi di lu Cunsigliu</i>	<i>Pag. 16</i>
<i>Arthicururu 29</i>	<i>La rimissioni di l'atti a l'orghani comunari</i>	<i>Pag. 17</i>
<i>Arthicururu 30</i>	<i>Prununziamentu definitibu sobbra l'attu di riadozioni di lu provvedimentu rinviaddu</i>	<i>Pag. 17</i>
<i>CABBU IX</i>	<i>Funzioni di lu Cunsigliu di la Municipaliddai di la Nurra</i>	<i>Pag. 18</i>
<i>Arthicururu 31</i>	<i>Funzioni prupositiba</i>	<i>Pag. 18</i>
<i>Arthicururu 32</i>	<i>Funzioni consulthiba – pareri obbrigatorii</i>	<i>Pag. 18</i>
<i>Arthicururu 33</i>	<i>Funzioni consulthiba – pareri facultatibi</i>	<i>Pag. 19</i>
<i>Arthicururu 34</i>	<i>Assistenzia tennigga e amministhratiba i' l'eserciziu di li funzioni consulthibi</i>	<i>Pag. 19</i>
<i>Arthicururu 35</i>	<i>Funzioni deregaddi di lu Cunsigliu di la Municipaliddai</i>	<i>Pag. 19</i>
<i>CABBU X</i>	<i>Parthizzipazioni democratica</i>	<i>Pag. 20</i>
<i>Arthicururu 36</i>	<i>Assembrei di li zittadini</i>	<i>Pag. 20</i>
<i>Arthicururu 37</i>	<i>Modariddai e teimini di cunvocazioni di l'assembrei di li zittadini – requisiddi di li parthizzipanti</i>	<i>Pag. 20</i>
<i>Arthicururu 38</i>	<i>Esitu di l'indicazioni e di li pruposthi assembrari</i>	<i>Pag. 21</i>
<i>Arthicururu 39</i>	<i>Petizioni</i>	<i>Pag. 21</i>
<i>Arthicururu 40</i>	<i>Interrogazioni di lu Cunsigliu di la Municipaliddai di la Nurra a lu Sindaggu</i>	<i>Pag. 21</i>
<i>CABBU XI</i>	<i>Infoimazioni e documenti – Ammissioni a l'atti d'uffiziu</i>	<i>Pag. 22</i>
<i>Arthicururu 41</i>	<i>Dirittu d'infoimazioni e ammissioni a l'atti</i>	<i>Pag. 22</i>
<i>CABBU XII</i>	<i>Passonari e ippesi di la Municipaliddai di la Nurra</i>	<i>Pag. 22</i>
<i>Arthicururu 42</i>	<i>Passonari addettu a la Municipaliddai di la Nurra</i>	<i>Pag. 22</i>
<i>Arthicururu 43</i>	<i>Ippesi di funzionamentu</i>	<i>Pag. 22</i>
<i>CABBU XIII</i>	<i>Noimi finari</i>	<i>Pag. 23</i>
<i>Arthicururu 44</i>	<i>Rinvii a li Noimi di leggi</i>	<i>Pag. 23</i>

---

CABBU I  
ATTUAZIONI DI LU DECENTRAMENTU E ISTHITUZIONI DI LA  
MUNICIPARIDDAI DI LA NURRA

*Arthicururu 1*

*Decentramentu comunari*

1. I' lu territoriu comunari di Sassari è isthituddu, rippettu e pa' li finariddai sigundu:
  - l'arthicururu 17 di lu decretu legislativu di lu 18.8.2000 n. 267;
  - la leggi regionari 18.3.2011 n. 10,
  - la leggi regionari 4.2.2016 n. 2 ;
  - la leggi regionari 11.1.2019 n. 3;
  - l'arthicururu 48 di l'Isthatuddu comunari;la Municipariddai di la Nurra (ischuminzendi da abà finza soru "Municipariddai"), arthicurazioni di decentramentu rapprisintatiba di li frazioni e di li borgati di Tottubella, La Pedraia, La Corte, Campanedda, Palmadula, Biancareddu, Canaglia, Baratz e Argentiera.
2. La sedi di la Municipariddai è individuadda tra l'immobiri posthi a dipposizioni da l'Amministrazioni cun diribarazioni di lu Cunsigliu di la Municipariddai di la Nurra pigliadda a maggiuranzia assoruta di li Cunsiglieri assignaddi. La sedi di la Municipariddai non po cuinzidì cu' la sedi di rappresentanza di l'altri orghani di la Comuna.
3. La sedi di la Municipariddai è loggu di assemblei e attibiddai pubbrighi di tipu culthurari e sozziari, a dipposizioni finza di la collettividdai sigundu li modariddai isthabiriddi da lu reguramentu appositu di lu Cunsigliu di la Municipariddai.

*Arthicururu 2*

*Orghani di la Municipariddai*

1. So orghani di la Municipariddai di la Nurra:
  - ♦ lu Cunsigliu di la Municipariddai;
  - ♦ lu Presidenti di la Municipariddai.
2. Lu Cunsigliu di la Municipariddai rapprisenta l'esigenzi e li nezzessiddai di la popurazioni residenti i' li borgati e i' li frazioni funtumaddi i' l'arthicururu 1 di chisthu Reguramentu drent'a l'uniddai di la Comuna e fazi li funzioni soi sigundu li Noimi di l'Isthatuddu e di chisthu Reguramentu.
3. Lu Presidenti di la Municipariddai rapprisenta la Municipariddai e fazi l'attribuzioni chi li so intregaddi da l'Isthatuddu e da chisthu Reguramentu.

## CABBU II

### LU CUNSIGLIU DI LA MUNICIPALIDDAI DI LA NURRA

#### *Arthicuru 3*

##### *Cumposizioni di lu Cunsigliu di la Municipariddai*

Lu Cunsigliu di la Municipariddai di la Nurra è cumpostu da lu Presidenti e da 14 Cunsiglieri.

#### *Arthicuru 4*

##### *Duradda in carrigga e iscioglimentu*

1. Lu Cunsigliu di la Municipariddai dura in carrigga lu matessi tempu di lu Cunsigliu Comunari e finza a l'erezioni di lu nobu, limitendisi, dabboi di pubbriggaddu lu decretu di indizioni di li comizi erettorari, a aduttà l'atti urgenti e improrogabiri.
2. Lu Cunsigliu di la Municipariddai è isciolthu cun diribarazioni di lu Cunsigliu Comunari, pigliadda a maggiuranza assorta di li Cunsiglieri assignaddi, in casu di viorazioni ripitudda di noimi di leggi o di reguramentu o di inoperosiddai grabi da parthi di l'orghani soi. Lu provvedimento di iscioglimentu vo pigliaddu dabboi di una cuntesthazioni foimari cun diffida eventuari a cumprì drent'a lu tempu fissaddu da lu Sindaggu, notificadda a lu Presidenti o a ca suppri.
3. Lu Cunsigliu di la Municipariddai è isciolthu puru, cun diribarazioni di lu Cunsigliu Comunari, in casu di dimissioni di lu Presidenti, prisintaddi cu' li modariddai funtumaddi i' l'Arthicuru 11, comma 2 di chisthu Reguramentu, e in casu di riduzioni di l'orghanu assembrari a la middai di li cumpunenti, pa' impossibiriddai di surroga, o di dimissioni a lu matessi tempu di la middai più unu di li Cunsiglieri assignaddi, chena contà pa' chisthu lu Presidenti di la Municipariddai.
4. I' li casi pribisthi da li commi di primma e da l'arthicuru 12, commi 1, 2, 4 di chisthu Reguramentu, i' lu territoriu di la Municipariddai la funzioni di gubennu e di indirizzu e cuntrollu puritiggu-amministhratibu è esercitadda direttamenti da lu Cunsigliu Comunari, da la Giunta e da lu Sindaggu, dughunu sigundu la Cumpetenzia soia. Lu Cunsigliu nobu di la Municipariddai è eriggiddu a lu matessi tempu di l'erezioni di lu Cunsigliu Comunari.

#### *Arthicuru 5*

##### *Intradda in carrigga di l'eriggiddi*

1. Li Cunsiglieri di la Municipariddai entrani in carrigga a l'attu di la procramazioni o, in casu di surrogazioni, cumentu è aduttadda e dibintadda esecutiba la diribarazioni reratiba.

CABBU III  
PRIMMA SEDUTA DI LU CUNSIGLIU – CUNVARIDA DI L'ERIGGIDDI –  
CAUSI DI ZISSAZIONI DA LA CARRIGGA, SURROGAZIONI

*Arthricuru 6*

*Cunvocationi e presidenzia di la primma seduta*

1. Lu Cunsigliu di la Municipariddai s'attoppa la primma bortha drent'a la di venti dí da la procamazioni di l'eriggiddi.
2. La primma cunvocationi dabboi di l'erezioni è dippostha da lu Presidenti di la Municipariddai pa' mezu di avvisi ischritti chi cuntenini l'indicazioni esatta di l'ordhini di la dí da nutifiggà a lu domiciriu di dugna Cunsiglieri a lu mancu zincu dí primma di la data fissadda pa' la riunioni.
3. Lu Presidenti di la Municipariddai prisedi l'adunanzia e à lu compitu di illustrà e puntuarizà l'adempimenti demandaddi a lu Cunsigliu di la Municipariddai e li reguri pruzzedurari isthabiriddi cun chisthu Reguramentu.
4. Si lu Presidenti di la Municipariddai non po fà li compiti funtumaddi i' li commi 2 e 3 di chisthu arthricuru, suppri, pa' l'eserciziu di chiddi funzioni, lu Cunsiglieri anzianu.
5. È Cunsiglieri anzianu di la Municipariddai lu candidaddu chi, i' l'erezioni, à pigliaddu più voti di l'althri.
6. Duranti la primma seduta, o i' la seduta infattu, lu Cunsigliu di la Municipariddai ereggi, drentu di lu Cunsigliu matessi, cun votu sigretu, lu Vice Presidenti di la Municipariddai a maggiuranzia assoruta di li cumponenti i' la primma votazioni. Si i' la primma votazioni nisciùn Cunsiglieri piglia la maggiuranzia assoruta di li voti, fazini una sigunda votazioni undí vari lu prinzipiu di la maggiuranzia reratiba undí è eriggiddu lu chi à pigliaddu più voti. A pariddai di voti, è eriggiddu lu Cunsiglieri più mannu d'eddai.

*Arthricuru 7*

*Cunvarida di l'eriggiddi*

1. I' la primma seduta infattu a l'erezioni di lu Cunsigliu di la Municipariddai, primma di diribarà sobbra cassisia althru arghumentu, debi esaminà li cundizioni di l'eriggiddi e pruzzidí a cunvaridalli.  
Si v'è cuntesthazioni di inereggibiriddai o incumpatibiriddai pa' calchi eriggiddu, v'è la pruzzidura di la cuntesthazioni sigundu li Noimi di leggi pribisthi pa' li Cunsiglieri comunari.
2. La diribarazioni di cunvarida di li Cunsiglieri, chi pa' la nomina no ani prisintaddu cuntesthazioni, è aduttadda cun votazioni pubbrigga e grobari, mentri so aduttaddi cun votazioni sigreta e singolarmenti li diribarazioni chi riguardhani li casi di cuntesthazioni di l'ereggibiriddai.

3. A li Cunsiglieri di la Municipariddai di la Nurra in carrigga l'ippetta, pa' la parthizzipazioni effettiba a dugna seduta di Cunsigliu, lu pagamentu di un gettoni di prisenzia, isthabiriddu sigundu li dipposizioni di leggi in vigori.
4. "Parthizzipazioni effetiba" vo dí la peimanenzia in Aura pa' a lu mancu la middai di la seduta di lu Cunsigliu attesthadda fimmendi un'erencu appositu undí abarani a puní l'ora d'ischumenzu e di iscidda da l'Aura. L'erencu l'abarani a rimuní i' l'uffizi di la segreteria di lu Cunsigliu e l'abarani a deposità a l'atti di li sedutu rippetibi. V'è la pussibiriddai di attuà divessi modariddai pa' li seduti di lu Cunsigliu finza cu' l'impreu di isthumenti digitari.
5. Tuttu chisthu francu l'obbrighi di asthensioni pribisthi da la leggi.
6. Si la seduta è dichiaradda desertha, lu gettoni non vo pagaddu.

#### *Arthicuru 8*

##### *Decadenzia da la carrigga*

1. Si si presenta una di li causi di inereggibiriddai o di incumpatibiriddai pribisthi da la leggi v'è la decadenzia da la carrigga di Cunsiglieri di la Municipariddai.
2. Ippetta a lu Cunsigliu di la Municipariddai pronunzià la dichiarazioni di decadenzia, d'uffiziu o a dumanda di cassisia erettori di la Municipariddai di la Nurra o di cassisia chi v'aggia intaressu, sigundu li pruzziduri pribisthi da li leggi di l'Isthaddu chi disciplinani la materia.
3. Decadi da la carrigga lu Cunsiglieri di la Municipariddai chi, chena mutibi giusthiffiggaddi, no interveni a zincu seduti una infattu di l'althra. In chisthu casu lu puteri di prumubí la pruzzidura di decadenzia ippetta soru a cassisia cumponenti di lu Cunsigliu di la Municipariddai. Lu Cunsiglieri, drent'a dezi dí da la nutifica di la cuntesthazioni di la causa di decadenzia a cura di lu Presidenti, po prisintà li so' deduzioni. Lu Cunsigliu di la Municipariddai piglia li so' deteiminazioni drent'a dezi dí.

#### *Arthicuru 9*

##### *Dimissioni*

1. Li dimissioni da la carrigga di Cunsiglieri di la Municipariddai, indirizzaddi a lu Cunsigliu rippetibu, voni prisintaddi di passona e achiriddi immediatamenti a lu protocollo di l'enti i' l'ordhini di tempu di prisintazioni. Si ponini in attu in materia di dimissioni e surroga li dipposizioni di lu decretu legislativu di lu 18.8.2000 n. 267 (Testhu Unicu di l'Enti Lucari) dettaddi pa' li Cunsiglieri Comunari.

#### *Arthicuru 10*

##### *Surrogazioni di li Cunsiglieri pa' zissazioni da la carrigga*

1. Li Cunsiglieri di la Municipariddai zissaddi, pa' cassisia mutibu, da la carrigga, voni surrogaddi drent'a venti dí da la data chi s'è verificadda la zissazioni.

2. Lu seggiu chi duranti lu quinquenniu rimani vacanti pa' cassisia mutibu, finza si a l'impinsadda, è attribuiddu a lu candidaddu chi i' la matessi lista veni infattu di l'ulthimu eriggiddu.

#### CABBU IV LU PRESIDENTI DI LA MUNICIPALIDDAI

##### *Arthicuru 11*

##### *Duradda in carrigga*

1. Lu Presidenti di la Municipariddai restha in carrigga pa' tutta canta la duradda di lu mandaddu di lu Cunsigliu di la Municipariddai, francu in casu di dimissioni, suipensioni, decadenzia, rimozioni, impedimentu pemmanenti e morthi.
2. Li dimissioni prisintaddi da lu Presidenti di la Municipariddai dibentani effettibi e irrevocabiri passaddi venti dí da la so' assunzioni a lu Protocollo di la Comuna.

##### *Arthicuru 12*

##### *Zissazioni da la carrigga di Presidenti di la Municipariddai*

1. Lu Presidenti decadi da la carrigga in casu di approbazioni di una mozioni di iffiduzzia vutadda pa' appellu nominari da la maggiuranzia assoruta di li cumponenti di lu Cunsigliu di la Municipariddai. La mozioni di iffiduzzia vo mutibadda e sottischritta da a lu mancu zincu Cunsiglieri assignaddi, chena cuntà lu Presidenti di la Municipariddai, ed è postha in dischussioni non primma di dezi dí e né dabboi di trenta dí da la prisintazioni. Si la mozioni è approbadda, lu Cunsigliu Comunari pruzzedi a l'iscioglimentu di lu Cunsigliu di la Municipariddai.
2. Duranti la dischussioni di la votazioni di la mozioni di iffiduzzia lu Cunsigliu di la Municipariddai è prisiduddu da lu Vice Presidenti o, si non v'è eddu, da lu Cunsiglieri anzianu.
3. Lu Presidenti decadi da la carrigga finza pa' dimissioni daddi a lu matessi tempu, o cun atti separaddi, bastha chi siani a lu matessi tempu prisintaddi a lu Protocollo generari di la Comuna, di la middai più unu di li Cunsiglieri assignaddi, chena contà lu Presidenti di la Municipariddai.
4. Lu votu di lu Cunsigliu di la Municipariddai contrariu a una prupostha di lu Presidenti non cumportha l'obbrigu di dimissioni o la zissazioni da la carrigga di lu Presidenti matessi.
5. In casu di dimissioni di lu Presidenti di la Municipariddai e i' li casi di zissazioni da la carrigga di lu Presidenti indicaddi i' li commi 1 e 3 di chisthu arthicuru si pruzzedi a l'iscioglimentu di lu Cunsigliu di la Municipariddai, cu' li modariddai funtumaddi i' l'arthicuru 4, comma 3, di chisthu Reguramentu.
6. I' li casi di zissazioni da la carrigga pa' rimozioni, decadenzia, impedimentu pemmanenti o morthi di lu Presidenti, lu Cunsigliu di la Municipariddai restha in carrigga finza a l'erezioni di lu nobu, chi vo fatta a lu matessi tempu di l'erezioni pa' lu rinobu di la carrigga di Sindaggu e di lu Cunsigliu Comunari. Finza a chiddi



consulthazioni li funzioni di Presidenti so esercitaddi da lu Vice Presidenti, chi li so intregaddi di lu tuttu attribuzioni e prerogati chi ippettani a lu Presidenti pa' tutta canta la duradda di lu mandaddu.

7. In casu di suipensioni da la carrigga sigundu la leggi, lu Presidenti è sostituiddu i' l'eserciziu di li funzioni da lu Vice Presidenti.

### *Arthicuru 13*

#### *Attribuzioni di lu Presidenti*

1. Lu Presidenti:

- a) rappresenta la Municipariddai di la Nurra;
- b) fazi la cunvocationi di lu Cunsigliu di la Municipariddai, lu prisedi e fazi lu coordhinadori di li trabagli e di la discussioni, fimma li veibali umpari cu' lu Segretariu;
- c) fazi la cunvocationi e l'assemblei cunvucaddi da lu Cunsigliu di la Municipariddai, li prisedi e teni puteri di aprettu e di coordhinamentu pa' assigurà la parthizzipazioni di li zittadini a l'amministrazioni di la Municipariddai;
- d) esegui li risoruzioni di lu Cunsigliu di la Municipariddai chi no ani cuntinuddu gesthionari;
- e) manteni li rapporthi cu' lu Sindaggu, rifirendiri di li trabagli di lu Cunsigliu, e cu' l'Assessori, pa' garantì lu raccordhu, lu coordinamentu e la continuiddai tra l'attividai programmatigga e gesthionari avviadda da l'amministrazioni e l'esigenzi di lu territoriu rappresintaddu da la Municipariddai;

### CABBU V

#### ARTHICURAZIONI INTERNI DI LU CUNSIGLIU DI LA MUNICIPALIDDAI E ORGHANISMI DI PARTHIZZIPAZIONI DI LA MUNICIPALIDDAI DI LA NURRA

### *Arthicuru 14*

#### *La costituzioni di li Gruppi cunsiliari*

1. Li cunsiglieri eriggiddi i' la matessi lista foimani lu Grupp cunsiliari chi ereggi, drent'a lu grupp matessi, un Cabbugruppu e un Vice Cabbugruppu, dendini comunicazioni a lu Presidenti di la Municipariddai.
2. Li cunsiglieri chi non voni fà parthi di nisciún Grupp ani di andà a l'unicu Grupp mistu.
3. Lu Cunsiglieri chi non non vo fà parthi di lu Grupp funtumaddu i' lu primmu comma à di adirì a un althru Grupp chi abarà a comuniggà a lu Presidenti di la Municipariddai umpari cu' l'attu di azzittazioni di lu Cabbugruppu.
4. È costituidda la Cunferenza di li Cabbigruppi cumpostha da lu Presidenti di la Municipariddai, chi la prisedi, e da li Cabbigruppi cunsiliari. La cunvocationi la po fà puru lu Presidenti a dezzisioni soia o a dumanda di unu o più Cabbigruppi cunsiliari, pa' trattà chisthioni generari reratibi a lu coordhinamentu, a la programmazioni e a l'orghанизazioni di li trabagli di lu Cunsigliu di la Municipariddai.

5. Pa' la varididdai di li riunioni di la Cunferenzia di li Cabbigruppi vi vo la prisenzia di un nummaru di Cabbigruppi chi possia rapprisintà la maggiuranzia di li Cunsiglieri di la Municipariddai.
6. Pa' li votazioni vari lu sisthema di lu votu prurimu, dunca dugna Cabbugruppu dipponi di un nummaru di voti uguari a lu di li cumponenti di lu Gruppulu reratibu.
7. Lu Presidenti non piglia parthi a li votazioni.
8. Lu Presidenti predipponi lu carendariu di li trabagli e l'ordhini di la dí di li seduti di lu Cunsigliu di la Municipariddai, dabboi di intesi li Cabbigruppi cunsiliari.
9. La pruzzidura di cunvocazioni di la Cunferenzia di li Cabbigruppi la fazini sigundu li modariddai pribisthi pa' la cunvocazioni di lu Cunsigliu di la Municipariddai.
10. Li funzioni di segretariu di la cunferenzia di li Cabbigruppi so esercitaddi, di noima, da un Cabbugruppu cumponenti; li po esercità finza un funzionariu comunari.

#### *Arthricuru 15*

##### *Gruppi di trabagliu e di parthizzipazioni di la Municipariddai di la Nurra*

1. Pa' garantí la parthizzipazioni più manna di la popurazioni residenti i' la Municipariddai, lu Cunsigliu di la Municipariddai po costitui, cun diribarazioni appositi, Gruppi di trabagliu e di parthizzipazioni a cumposizioni mista Cunsiglieri/zittadini/associazioni cun funzioni consulthibi, referenti, istruttori, a più di programmatorii e progettuari, pa' l'approfundimentu e l'isthudiu di li chisthioni, sia di caratteri generari che parthicurari, chi riguardhani lu territoriu di la Municipariddai.
2. Li risultanzi di l'attibiddai fatta da li Gruppi di trabagliu e di parthizzipazioni poni assé affidaddi a l'approbazioni di lu Cunsigliu di la Municipariddai chi abarà a dà comunicazioni foimari a la Giunta.
3. La foimazioni di li Gruppi di trabagliu e di parthizzipazioni po assé fatta sigundu la derimitazioni territoriali di li borgati incrusi i' la Municipariddai e/o sigundu li tematigghi da trattà.
4. Li Gruppi di trabagliu e di parthizzipazioni so costituidi da cumponenti di lu Cunsigliu di la Municipariddai, da zittadini e/o da rapprisintanti di associazioni chi rapprisentani intaressi cullettibi o diffusi che riguardhani lu territoriu di la Municipariddai.
5. A li Cunsiglieri cumponenti di li Gruppi di trabagliu e di parthizzipazioni no ippetta nisciuna indenniddai di Funzioni, gettoni o emorumentu cun cassisia denominazioni, e non poni usufrui di nisciun althru isthituddu incrusu i' lu status di l'amministhradori lucari.

#### *Arthricuru 16*

##### *Cumposizioni e modariddai di costituzioni di li Gruppi di trabagliu e di parthizzipazioni*

1. Lu Cunsigliu di la Municipariddai, si dezzidi di sivrissi di l'orghanismi funtumaddi i' l'arthricuru 15 di chisthu Reguramentu, foima dugna Gruppulu di

trabagliu e di parthizzipazioni sigundu chistha cumposizioni:

- a) finza a un massimu di zincu Cunsiglieri di maggiuranzia e tre Cunsiglieri di minuranzia, garantendi, candu è pussibiri, la pariddai di genere;
  - b) finza a un massimu di zincu zittadini elettori in rapprisintanza di li borgati chi fazini parthi di la Municipariddai, garantendi, candu è pussibiri, la pariddai di genere.
2. Li zittadini abarani a parthizzipà a li Gruppi di trabagliu e di parthizzipazioni dabboi di pubbriggadu l'avvisu pubbriggsu, inviendi a la Segreteria di la Municipariddai di la Nurra la candidaddura, chi abarani a cunsidarà in ordhina di arribu, finza a raggiugnì lu Nummaru massimu indicaddu i' lu comma 1, lettara b) di chisthu arthicuru, garantendi, si pussibiri, la rapprisintanza di dugna borgata.
  3. Lu Cunsigliu di la Municipariddai, cun diribarazioni cussì cumentu funtumadda i' l'arthicuru 15, comma 1 di chisthu Reguramentu, disciprina finariddai, cumpetenzi, cumposizioni, modariddai di funzionamentu e duradda di lu Grupp di trabagliu e di parthizzipazioni.
  4. Lu Presidenti di la Municipariddai à faculthai di parthizzipà a li riunioni di li Gruppi di trabagliu e di parthizzipazioni.
  5. Lu Grupp di trabagliu e di parthizzipazioni ereggi, drent'a lu Grupp matessi, cun votu sigretu, un Coordhinadori ed è eriggiddu lu chi à pigliaddu più voti. A pariddai di voti, è eriggiddu Coordhinadori lu più mannu d'eddai.
  6. Lu Coordinadori prisedi li riunioni, fazi cuncurdhà li cumpunenti, aimuniza l'attibiddai di lu Grupp e provvedi a l'eraborazioni finari di li documenti produziddi da l'eserciziu di la Funzioni parthizzipatiba.
  7. Si lu Coordhinadori no vi la fazi a fà li compiti soi, suppli, pa' l'eserciziu di li funzioni soi, lu cumpunenti di lu Grupp più mannu d'eddai.
  8. Li funzioni di Segretariu di lu Grupp di trabagliu e di parthizzipazioni li fazi lu Coordhinadori o ca suppli, o un cumpunenti indicaddu dugna voltha da lu Coordhinadori.
  9. Pa' la varididdai di li riunioni vi vo l'interventu di a lu mancu la middai di li cumpunenti di lu Grupp di trabagliu e di parthizzipazioni, incrusu lu Coordhinadori. Si lu Coordhinadori no è presenti a la riunioni, lu presidenti lu fazi lu cumpunenti di lu Grupp di trabagliu e parthizzipazioni più mannu d'eddai.
  10. La cunvocazioni di li componenti di li Gruppi di trabagliu e di parthizzipazioni rippetta modariddai pribisthi pa' lu Cunsigliu di la Municipariddai. L'avvisu di cunvocazioni a li cumpunenti chi no ani la carrigga di Cunsiglieri di la Municipariddai, è intregaddu, di prifirenzia, sigundu la matessi modariddai pribistha pa' li cumpunenti Cunsiglieri di la Municipariddai.
  11. Li pruposthi fatti vutà voni cunsidaraddi approbaddi si ottenini la maggiuranzia assoruta di li votanti.

## CABBU VI CUNVOCAZIONI DI LU CUNSIGLIU

### *Arthricuru 17*

#### *Iniziatiba di la cunvocazioni di lu Cunsigliu*

1. Lu Cunsigliu di la Municipariddai s'attoppa in cassisia periodu di l'annu:
  - a) dabboi di ordhini prizzisu di la dí pa' deteiminazioni di lu Presidenti;
  - b) a dumanda ischritta di lu Sindaggu, e drent'a lu tempu pribisthu i' la dumanda, o di a lu mancu un quarthu di li Cunsiglieri di la Municipariddai;
  - c) a dumanda di a lu mancu trenta erettori di la Municipariddai.
2. Li fimmi di l'erettori, posthi suttu a la dichiarazioni passonari sobbra la cariddai di erettori di la Municipariddai, voni autenticaddi sigundu la leggi.
3. I' li casi di dumanda ischritta prisintadda da l'erettori, lu Presidenti è obbrigaddu a la cunvocazioni di lu Cunsigliu di la Municipariddai e in dugna modu drent'a venti dí da la data di rizzebimentu di la dumanda sigundu lu comma 1, lettara c) di chisthu arthricuru.
4. Si no cumpri lu Presidenti, la cunvocazioni di lu Cunsigliu di la Municipariddai la po fà lu Sindaggu, cu' l'osseivanzia di li Noimi isthabiriddi da chisthu Reguramentu.
5. Lu Sindaggu, l'Assessori e li Cunsiglieri comunari poni interviní e fabiddà in tutti canti li seduti di lu Cunsigliu di la Municipariddai, chena dirittu di votu.

### *Arthricuru 18*

#### *Cunvocazioni di lu Cunsigliu - Ordhini di la dí*

1. La cunvocazioni di lu Cunsigliu di la Municipariddai è fatta da lu Presidenti chi, intesi li Cabbigruppi sigundu l'Arthricuru 14, comma 6 di chisthu Reguramentu, foimura l'ordini di la dí e fissa la data, l'ora e lu loggu di l'adunanzia; l'avvisi di cunvocazioni voni intregraddi a lu domiciriu di dugna Cunsiglieri, i' li tempi pimmittiddi da la leggi, a lu mancu ventiquattru ori primma di l'ora isthabiridda pa' l'adunanzia, sigundu chistha modariddai:
  - cun postha erettronica ordhinaria o Postha erettronica zerthifiggadda (PEC) e cun messaggu corthu ischrittu inviaddu pa' mezu di cellurari (SMS – *Short Message Service*).
2. Li documenti e l'eraboraddi oggettu di trattazioni, depositaddi i' la Segreteria di la Municipariddai, so a dipposizioni di li Cunsiglieri di la Municipariddai finza impiendi ippazi d'archibiazioni infoimatigghi impiaddi di soritu da la Comuna.
3. L'avvisu di cunvocazioni debi cuntiní l'ordini di la dí di l'arghumenti da trattà, indicaddi in corthu, ma in modu ciaru, e erencaddi e numeraddi progressivamente.
4. Lu Cunsigliu di la Municipariddai non po dischutí né diribarà sobbra nisciuna prupostha o chisthioni no incrusa i' l'ordini di la dí o sobbra pruposthi chi non so isthaddi depositaddi a dipposizioni di li Cunsiglieri i' li tempi e cu' li modariddai pribisthi i' li commi 1 e 2 di chisthu Arthricuru.

5. Li Cunsiglieri debini indicà un nummaru di tarefonu e un indirizzu e-mail a la Segreteria di la Municipariddai.

6. I' li casi di dumanda di cunvocationi da parthi di l'erettori, l'avvisu di cunvocationi è intregaddu a lu primmu firmatariu.

*Arthicururu 19*

*Pubbriciddai di li cunvocationi*

1. L'avvisu di cunvocationi, cu' l'ordhini di la dí di l'arghumenti da trattà, è comunicaddu a lu Sindaggu e pubbriggaddu i' l'Albo *online* e i' lu situ *web* di la Comuna, i' lu *link* dedicaddu a la Municipariddai.

*Arthicururu 20*

*Pubbriciddai di li seduti*

1. Li seduti di lu Cunsigliu di la Municipariddai so pubbrigghi francu li casi chi si debini trattà chisthioni chi riguardhani cundizioni, fatti e cariddai di passoni.

*Arthicururu 21*

*Segreteria di lu Cunsigliu di la Municipariddai di la Nurra*

1. Li funzioni di Segretariu li fazi un dipendenti sciubaraddu da l'amministrazioni comunari.

2. Si lu dipendenti sciubaraddu non po o è assenti fazi da segretariu di la seduta lu Cunsiglieri più mannu d'eddai, limitatamenti a li funzioni di veibarizzazioni.

3. Lu Segretariu cumpira li veibari di li riunioni e li sottischribi umpari cu' lu Presidenti.

CABBU VII  
L'ADUNANZI

*Arthicururu 22*

*Trattazioni di l'arghumenti*

1. Lu Cunsigliu non po diribarà né puní in dischussioni nisciuna prupostha si no è ischritta i' l'ordhini di la dí.

2. A prupostha mutibadda di lu Presidenti o di un Cunsiglieri di la Municipariddai, lu Cunsigliu, in cassisia mamentu po dizzidí di invirthí l'ordhini di la trattazioni di l'arghumenti di dischussioni.

*Arthicururu 23*

*Numeru legari e disciplina di li seduti*

1. A l'ora indicadda i' l'avvisu di cunvocationi lu Segretariu, a dumanda di lu Presidenti, pruzzedi a l'appellu nominari di li Cunsiglieri.

2. Pa' la varididdai di la seduta di primma cunvocationi vi vo l'interventu di a lu mancu la middai di li Cunsiglieri assignaddi; passadda mezora da l'ora fissadda i' l'avvisu di cunvocationi, la riunioni è varida cumentu seduta di sigunda cunvocationi, bastha chi sia prisenti a lu mancu un tezzu di li Cunsiglieri in carrigga.
3. Fattu lu sigundu appellu pribisthu da lu comma 2 di chisthu Arthicuru chena chi aggiani raggiuntu lu nummaru legari pa' la varididdai di la seduta, lu Presidenti la dichiara desertha fendi rifiri lu fattu in veibari appositu.
4. Si durante l'adunanza manca lu nummaru legari, la seduta, si no è pa' una suipensioni cortha pa' aisittà li Cunsiglieri chi i' lu mamentu so assenti, è iscioltha.
5. Si un Cunsiglieri fazi abburottu i' la seduta lu Presidenti l'ammuni; i' li casi più grabi li poni una nota di biasimu.
6. Candu l'adunanza non si po più fà cun regurariddai pa' incidenti o abburotti, lu Presidenti po dichiarà suipesa l'adunanza o la po isciugli fendi isthirri lu veibari.

#### *Arthicuru 24*

##### *Esecuzioni e modariddai di li seduti*

1. La seduta è dichiaradda abbertha appena cumprubadda la prisenzia di lu nummaru legari. La fissazioni di la data di la seduta infattu, isthabiridda pa' sighi li trabagli e comunicadda in aura da lu Presidenti, equivari a avvisu di cunvocationi, chi vo comunicaddu soru a li cunsiglieri assenti cun messaggiu corthu di testhu inviaddu a lu tarefunu cellulari (sms).
2. Pa' dugna seduta vo pigliadda nota di li Cunsiglieri assenti e di li giusthificazioni d'eddi, pa' puni, a l'assenti, li sanzioni pribisthi i' l'Arthicuru 8, comma 3 di chisthu Reguramentu. Li giusthificazioni voni mandaddi a lu Presidenti in foima ischritta.
3. So pimmessi, in aberthura di seduta, i' li primi dezi minuti, comunicazioni in corthu da parthi di lu Presidenti e di li Cunsiglieri di la Municipariddai.
4. Pa' lu chi riguardha l'interventi i' la dischussioni, li puteri di lu Presidenti, li pruposthi e l'emendamenti sobbra l'arghumenti ischritti a l'ordhini di la dí, li dichiarazioni di votu, l'interrogazioni e, in generari, pa' tuttu cantu lu chi no è pribisthu in chisthu cabbu varini, parchi cumpatibiri, li Noimi di lu Reguramentu sobbra lu funzionamentu di lu Cunsigliu Comunari.
5. In casu di dumanda di cunvocationi da parthi di l'erettori, à dirittu di paraura, pa' non più di dui volthi, a lu mancu unu di li fimmatari.
6. Li votazioni li fazini pa' azzadda di manu, pa' appellu nominari o pa' ischrutiniu sigretu; li diribarazioni chi riguardhani passoni so aduttaddi sempri a ischrutiniu sigretu; i' li votazioni pa' azzadda di manu po assé dumandadda la cumproba; nisciuna diribarazioni è varidda si no utteni la maggiuranzia assoruta di li voti; l'ischedi bianchi e chiddi non leggibiri si contani pa' isthabiri la maggiuranzia di li votanti; non si pruzzedi in nisciun casu a lu ballottaggiu francu che non sia isthabiridu da lu Reguramentu.

7. A l'ischumenzu di la riunioni, a prifirenza dugna mesi, si pruzzedi a la littura e a l'apprubazioni di li veibali di li seduti di primma. Li veibari, si nisciùn Cunsiglieri si opponi, voni cunsidaraddi liggiddi.

#### *Arthicurru 25*

##### *Diribarazioni e resuggonti*

1. Lu Segretariu pruzzedi a isthirrì li diribarazioni foimari e li resuggonti.
2. A più di la diribarazioni, lu Segretariu pruzzedi a la redazioni di un resuggontu di la seduta, chi cunteni lu sanghinaddu e innommu di li Cunsiglieri prisenti a l'adunanza e lu di li assenti, la data, lu loggu e l'ora di ischumenzu e di fini di la riunioni; i' lu resuggontu so riferiddi in corthu e in ordhini cronologicu li riferimenti a fatti o chistioni suzzessi o iscididi a pizu i' la seduta, l'erencu di l'arghumenti trattaddi e lu di li diribarazioni aduttaddi, funtumendi si la seduta l'ani fatta in modariddai pubbrigga o sigreta.
3. Pa' lu cuntinuddu di li diribarazioni e di li resuggonti varini, parchi cumpatibiri, li Noimi sobbra lu funzionamentu di lu Cunsigliu comunali.
4. Li veibari so fimmaddi da lu Presidenti e da lu Segretariu.
5. Li diribarazioni e li resuggonti di lu Cunsigliu di la Municipariddai non so soggetti a pubbriggazioni i' l'Albo di la Comuna; so pubbriggaddi li diribarazioni di lu Cunsigliu di la Municipariddai oggettu di li diribarazioni chi la Giunta piglia attu parchi a chisthi ulthimi alligaddi.
6. Li diribarazioni e li resuggonti di lu Cunsigliu di la Municipariddai so rimuniddi, registhraddi cronologicamenti in registhru appositu e depositaddi i' l'archibiu di la Municipariddai a cura di lu Segretariu, chi è repponsabiri di arribbà l'archibiu matessi.
7. Di dugna seduta pubbrigga è depositaddu a l'atti di la Segreteria finza lu sustheniu magneticu o infoimatiggu cu' la registhrazioni di la seduta cunsiliari.
8. La registhrazioni di li seduti, in sustheniu magneticu o infoimatiggu, cumenti riferiddu i' lu comma di primma, rappresenta documentazioni amministhratiba sigundu l'arthicurru 22 di la leggi di lu 7.8.1990 n. 241, a cumproba di la trattazioni di l'arghumenti a l'ordhini di la dí, di dugna interventu di li Cunsiglieri e di lu dibattiddu, ed è rimunidda in archibiu infoimatiggu appositu.
9. Li Cunsiglieri di la Municipariddai, dabboi di dumanda ischritta, ani dirittu di uttinì copia di li registhrazioni di li seduti. Lu Presidenti di la Municipariddai autoriza la traschizioni di li registhrazioni candu lu Cunsiglieri la pedi pa' tutelà li so' diritti in sedi amministhratiba o giudiziaria.
10. Dugna Cunsiglieri di la Municipariddai à dirittu, i' la seduta matessi, chi i' li veibari e i' lu resuggontu sia daddu attu di li prizzisazioni chi cunsidara opporthuni; in più à faculthai chi siani insiriddi dichiarazioni soi e di althri Cunsiglieri.

*Arthricuru 26**La sara di l'adunanzi*

1. L'adunanzi di lu Cunsigliu li fazini i' la sedi di la Municipariddai di la Nurra; parò in casi parthicurari, candu manca una sara idonea adeguadda a l'interventu di lu pubbrighu o pa' cassisia althru mutibu finza occasionari, lu Presidenti po dippunì chi l'adunanzi siani in cassisia althru lucari bastha chi sia i' lu territoriu di la Municipariddai, o si no in modariddai a disthanzia, in videocunferenza, i' lu rippettu di li criteri pribisthi da la leggi e disciplinadda da linii guida appositi di lu Presidenti di la Municipariddai.
2. Candu la cunvocazioni è di iniziataba di lu Sindaggu, l'adunanzi si poni fa finza i' la sedi comunari o in un althru lucari cunsidaraddu idoneu.

*Arthricuru 27**Intradda di lu pubbrighu - Puteri disciplinari di lu Presidenti*

1. I' li sari di l'adunanzi di la Municipariddai po intrà cassisia zittadinu, si li seduti non so sigreti; lu pubbrighu debi mantinì un cumportamentu cumposthu e non debi disthuibà l'adunanza e né intervini i' la dischussioni.
2. A lu Presidenti ippetta la reppunsabiriddai di la disciplina di l'adunanzi, di li dischussioni e di aduttà dugna provvedimento pa' pudé fà tutti canti li seduti in modu libaru, ordhinaddu e democraticu.
3. Lu Presidenti pò fa alluntanà da la sara di l'adunanzi tutti li chi abburottani li trabagli e, si la dischussioni non po sighì in modu ordhinaddu e pazifighu, po suppinì o isciuglì la seduta e aggiornalla a un'althra ora o a un'althra data dendi evidenza di la cosa i' lu prucessu veibari.

**CABBU VIII****LI DIRIBARAZIONI DI LU CUNSIGLIU DI LA MUNICIPALIDDAI – RINVIU DI  
LI DIRIBARAZIONI DA PARTHI DI LU SINDAGGU O DI LA GIUNTA***Arthricuru 28**Cumpetenzi diribaratibi di lu Cunsigliu*

1. Lu Cunsigliu di la Municipariddai adotta diribarazioni i' li materii e cu' li modariddai isthabiriddi i' l'Isthatuddu comunari e in chisthu Reguramentu.
2. Lu Cunsigliu di la Municipariddai cun diribarazioni soia:
  - a) approba la cunvarida di l'eriggiddi;
  - b) foimura orientamenti e indirizzi in ordhini a l'eserciziu di li Cumpetenzi di lu Cunsigliu di la Municipariddai;
  - c) diribareggia sobbra li materii di cumpetenzia di la Municipariddai, siani istituzionari o deregaddi;
  - d) ipprimi pareri obbrigatorii i' li casi pribisthi da l'Isthatuddu comunari e candu sia pididdu da l'amministrazioni comunari sobbra chisthioni di intaressu di la Municipariddai e sobbra l'atti di programmazioni di l'Enti e sobbra li variazioni/revisioni reratibi fatti;
  - e) fazi li designazioni e nomini di cumpetenzia soia;
  - f) diribareggia sobbra pruposthi e interrogazioni reratibi a chisthioni di intaressu



di la Municipariddai da prisintà a l'Amministrazioni Comunari.

3. Li diribarazioni di lu Cunsigliu di la Municipariddai, cunsidarendi in chisthu modu tutti li provvedimenti chi si manifestha l'attibiddai voritiba, francu chiddi aduttaddi i' l'eserciziu di la podesthai prupositiba e consulthiba, dibentani a tutti l'effetti atti di la Comuna, chi ni piglia attu pa' mezu di una diribarazioni di la Giunta comunari da aduttà drent'a quindizi dí dabboi di dipositaddi i' l'archibiu di la Comuna, si no so rinviaddi da lu Sindaggu cu' osseivazioni a lu Cunsigliu di la Municipariddai chi l'à emanaddi sigundu la pruzzidura pribistha da chisthi arthicuri inogghi sottu.

4. La diribarazioni chi la Giunta piglia attu debi rifirí cumentu alligaddu la diribarazioni di lu Cunsigliu di la Municipariddai.

#### *Arthicuru 29*

##### *Lu traiferimentu di l'atti a l'Orghani comunari*

1. Li diribarazioni chi si manifestha l'attibiddai voritiba so traifiriddi a lu Sindaggu drent'a dezi dí da l'adozioni a pena di decadenzia.

2. Lu Sindaggu, i' lu tempu di quindizi dí da lu depositu, po, intesu lu Segretariu Generari, rinvià li diribarazioni cun osseivazioni a lu Cunsigliu di la Municipariddai si lu Cunsigliu matessi à diribaraddu fóra di li so Cumpetenzì o in viorazioni di li Noimi di leggi, di l'Isthatuddu e di li reguramenti, o si no à osseivaddu li criteri direttibi e l'indirizzi programmatigghi aduttaddi da lu Cunsigliu Comunari.

3. Lu Sindaggu po isthabirí, cun una mutibazioni, chi dugna dizzisioni sobbra lu rinvu di li diribarazioni sia demandadda a la Giunta; in chisthu casu chisthu tempu di quindizi dí restha interrumpiddu e torra a ischuminzà da la data di ischrizioni di l'argumentu a l'ordhini di la dí di li trabagli di la Giunta; si la Giunta no adotta nisciún provvedimentu lu Sindaggu piglia una dizzisioni autonoma.

#### *Arthicuru 30*

##### *Pronunziamentu definitibu sobbra l'attu di riadozioni di lu provvedimentu rinviaddu*

1. La Giunta po piglià attu di li deduzioni di lu Cunsigliu di la Municipariddai, o dichiarà, mutibendi, chena prufettu lu provvedimentu rinviaddu; non po modificà, rifoimà o integrà la diribarazioni rinviadda né esercità nisciún inteiventu sostitutibu.

2. La diribarazioni chi la Giunta piglia attu di li deduzioni di lu Cunsigliu di la Municipariddai debi rifirí integramenti, finza sottu foima di alligaddu, la diribarazioni di lu Cunsigliu di la Municipariddai rinviadda.

3. Lu Presidenti o un Cunsiglieri da eddu deregaddu, umpari cun rappresentanti di li minoranzi, a dumanda o inziatiba di lu Sindaggu, so intesi da lu Sindaggu o da la Giunta in sedi di esami di li deduzioni sobbra li diribarazioni oggettu di rinvu.

CABBU IX  
FUNZIONI DI LU CUNSIGLIU DI LA MUNICIPALIDDAI DI LA NURRA

*Arthicuru 31*

*Funzioni prupositiba*

1. Drent'a lu trenta di cabbidannu di dugna annu, pa' cuntribuí a la predipposizioni di li documenti prinzipari di programmazioni di l'Enti, lu Cunsigliu di la Municipariddai debi foimurà pruposthi sigundu li nezzessiddai e prioriddai isciddi a pizu dabboi di l'attibiddai di consulthazioni, aischolthu e parthizzipazioni di la popurazioni.
2. Li pruposthi funtumaddi i' lu comma 1 di chisthu arthicuru so aduttaddi cun diribarazioni chi è traimissa a lu Sindaggu pa' li deteiminazioni di cumpetenzia.

*Arthicuru 32*

*Funzioni consulthiba e di parthizzipazioni - pareri obbrigatori*

1. Lu Cunsigliu di la Municipariddai fazi funzioni di consulthazioni obbrigatoria sigundu l'Arthicuru 54, comma 1 di l'Isthatuddu comunari e i' l'althri casi isthabiriddi in chisthu Reguramentu. Po ipprimí in più, a dumanda di lu Sindaggu, pareri preventibi, prima di l'adozioni di li diribarazioni, sobbra chisthi arghumenti di intaressu ippezzifiggu di la Municipariddai:
  - a) interventi di manutenzioni isthraordinaria di li frabbigghi comunari e di l'impianti ippurthibi (palestri ischorastigghi, campi porivarenti, pisthi d'atretica, campi di calcetto e da tennis rearizaddi cun contributi pubbrighi e di l'amministhrazioni comunari) e di li carreri/piazzi comunari;
  - b) autorizzazioni a l'occupazioni peimanenti di lu tarrenu pubbrighu sigundu l'indirizzi già cuncurdhaddi e approbaddi da l'amministhrazioni comunari;
  - c) locarizzazioni di pressi ischorasthigghi, di attrezzadduri suzziari, di marchaddi riunari, di immobiri comunari, di uffizi pubbrighi, obari pubbrighi in genere e prugetti reratibi.
2. Li pareri obbrigatori so pididdi da lu Sindaggu a lu Presidenti di la Municipariddai cun comunicazioni apposita, i' li teimini pimmittiddi da la leggi, curreddada da la documentazioni, finza in sustheniu infoimatiggu, chi raprisenta la pratigga chi si pedi lu pareri, o di l'erementi indipensabiri pa' pudé emittí lu pareri dabboi di achiriddi l'erementi di giudiziu nezzessari.
3. Li pareri obbrigatori, da ipprimissi cun diribarazioni di lu Cunsigliu di la Municipariddai, voni traimissi, finza cun un estrattu chi cunteni lu dippositivu, mediante comunicazioni e-mail, drent'a la di quindizi dí da la data di nutifigga di la dumanda.
4. La diribarazioni aduttadda da lu Cunsigliu o da la Giunta, sigundu cumpetenzia rippetiba, debi funtumà in manera ciara lu pareri e, si si n'alluntana di lu tuttu o in parthi, debi rifirí li mutibazioni di li mutibi ippezzifigghi di la dezzisioni dibessa aduttadda.

5. Si lu Cunsigliu di la Municipariddai non dazi lu pareri i' l'ischadenzia isthabiridda, l'orghani comunari poni no cunsidarà lu pareri matessi, dendini attu i' lu diribaraddu.
6. La traissioni tardhia di lu pareri obara cumenti sanatoria pa' no abé rippittaddu l'ischadenzia, si l'orghani comunari no ani ancora pigliaddu li determinazioni d'eddi e sempri chi lu pareri possa assé depositaddu i' la segreteria di l'orghani comunari a lu mancu ventiquattr'ori primma.
7. Lu Sindaggu, a dumanda mutibadda di lu Presidenti di la Municipariddai, po cunzidí una proroga non superiori a dezi dí pa' dà lu pareri.
8. I' li casi di urgenzia cumprubadda, lu Sindaggu po assignà un tempu inferiori a chiddu indicaddu i' lu di tre commi di chisthu arthicuru.

### *Arthicuru 33*

#### *Funzioni consulthiba - Pareri facultatibi*

1. Lu Cunsigliu di la Municipariddai, di iniziatiba soia o a dumanda di l'orghani comunari, po ipprimí pareri e foimurà pruposthi in tutti canti li materii di cumpetenza di lu Cunsigliu Comunari, di la Giunta e di lu Sindaggu.
2. Candu la dumanda la fazi l'amministrazioni, li pareri so daddi cu' l'ischadenzia isthabiridda dugna bortha da lu Sindaggu d'accordhu cu' lu Presidenti di lu Cunsigliu di la Municipariddai. L'ischadenzia in dugna modu non po assé piú poggu di zincu dí.

### *Arthicuru 34*

#### *Assisthenzia tennigga e amministhratiba i' l'eserciziu di li funzioni consulthibi*

1. A dumanda di la Municipariddai l'Assessori cumpetenti pa' materia, li dirigenti o li funzionari e tennigghi di la Comuna, dabboi d'assé autorizaddi da li dirigenti rippettibi, dazini l'assisthenzia tennigga e amministhratiba a lu Cunsigliu di la Municipariddai in manera chi possa ipprimí di lu tuttu lu pareri soi.
2. L'assisthenzia tennigga e amministhratiba non po dibintà una foima di consurenza di tipu professionari o a la foimurazioni di pareri, ma l'obbiettu soi è di dà, finza in seduta di Cunsigliu di la Municipariddai, infoimazioni e nutizi di caratteri pruzzedurari, giuridiggu e tenniggu pa' pimmittí a l'orghani di la Municipariddai di achiri erementi di giudiziu cumpreti.

### *Arthicuru 35*

#### *Funzioni deregaddi di lu Cunsigliu di la Municipariddai*

1. Pa' favurí l'aischolthu e la parthizzipazioni di li zittadini a l'attibiddai di l'Enti, i' lu rippettu di l'indirizzi e di li programmi di l'amministrazioni e dabboi di cumprubadda la dippunibiriddai effettiba i' li capituri di lu bilanci, lu Cunsigliu di la Municipariddai fazi funzioni deregaddi in ordhina a chisthi materii:
  - a) indirizzi i' la cunzessioni a enti, associazioni e gruppi di zittadini di li sedi rippettibi e, si vi so, di l'uffizi decentraddi pa' la realizzazioni di iniziatibi e attibiddai di caratteri sozziari, ippurthibu e ricreatibu a livellu di Municipariddai;

- b) programmazioni di manifesthazioni prumossi da cumitaddi, enti, associazioni e pribaddi chi ani cumenti finariddai attibiddai ippurthibi, ricreativi, sozziari e filantropigghi non a fini di lucru;
  - c) promozioni di riunioni, cunvegni o assembrei pa' la trattazioni di arghumenti e temi di intaressu di la Municipariddai.
2. L'uffizi di l'amministrazioni curani l'iter amministhratibu reratibu a l'adozioni di li provvedimenti cu' l'impegni di ippesa reratibi e a la liquidazioni sighenti di li fatturi, rippittendi l'indirizzi generari di l'amministrazioni e dabboi di la cumproba rippettu a programmi pussibiri di interventu dipposthi primma.

## CABBU X PARTHIZZIPAZIONI DEMOCRATICA

### *Arthicuru 36*

#### *Assembrei di li zittadini*

1. Lu Cunsigliu di la Municipariddai fazi la cunvocazioni di assembrei di zittadini, erettori di la Municipariddai, pa' favuri la parthizzipazioni pubbrigga piú manna finarizadda a la discussioni di li probremi chi riguardhani la Municipariddai matessi e a isgiaminà pruposthi e programmi.
2. La cunvocazioni è dipposta da lu Presidenti di lu Cunsigliu di la Municipariddai, dabboi di lu votu di lu matessi Cunsigliu.
3. Lu Presidenti in piú debi fa la cunvocazioni di l'assemblea di li zittadini, infoimendi primma lu Cunsigliu di la Municipariddai, dugna bortha chi fazini dumanda ischritta:
  - a) lu Sindaggu o la Giunta;
  - b) a lu mancu 1/4 di li Cunsiglieri di la Municipariddai in carrigga;
  - c) li Gruppi di trabagliu e di parthizzipazioni;
  - d) a lu mancu trenta zittadini erettori di la Municipariddai. Pa' l'autenticazioni di li fimmi e l'attesthazioni di l'althri requisiddi di li richiedenti varini li Noimi pribisthi da l'Arthicuru 38 di chisthu Reguramentu sobbra li petizioni.

### *Arthicuru 37*

#### *Modariddai e teimini di cunvocazioni di l'assembrei di li zittadini-*

#### *Requisiddi di li parthizzipanti*

1. L'assembrei pribisthi da l'Arthicuru 35, comma 1 di chisthu Reguramentu so cunvocaddi drent'a quindizi dí da lu votu di lu Cunsigliu di la Municipariddai o da la prisintazioni di la dumanda ischritta da parthi di li Cunsiglieri di la Municipariddai, di lu Sindaggu o di la Giunta, di li Gruppi di trabagliu e di parthizzipazioni e di li zittadini erettori.
2. Lu manifesthu di cunvocazioni debi cuntiní l'indicazioni di l'oggettu ippezzifiggu di la cunvocazioni, vo fattu pubbriggu in foimi idonei a raggiugnì la popurazioni intarissadda e debi ippezzifiggà li requisiddi chi vi voni e li modariddai di parthizzipazioni.

3. Poni parthizzipà soru li zittadini erettori di la Municipariddai.
4. Di la cunvocationi di l'assemblea di li zittadini vo dadda comunicazioni subbiddu e, in dugna modu, a lu mancu zincu di primma di la data isthabiridda, a lu Sindaggu e a l'Assessori cumpetenti in materia di decentramentu.
5. Li Cunsiglieri di la Municipariddai ani tituru, di dirittu, a parthizzipà a l'assemblea di li zittadini.
6. Lu Sindaggu, l'Assessori e li Cunsiglieri comunari poni parthizzipà a tutti canti l'assemblei di li zittadini e ani faculthai di interviní i' li discussioni.

#### *Arthicuru 38*

##### *Esitu di l'indicazioni e di li pruposthi assembleari*

1. Lu Presidenti di la Municipariddai, chi prisedi l'assemblea di zittadini, accogli tutti l'indicazioni e li pruposthi chi po ipprimí l'Assemblea e ni investhi lu Cunsigliu di la Municipariddai, chi, i' li dezzisioni pigliaddi, lu debi rifirí in manera ciara, sia chi siani azzittaddi, sia chi siani reppinti.

#### *Arthicuru 39*

##### *Petizioni*

1. L'elettori chi apparthenini a lu territoriu di la Municipariddai poni fà a lu Cunsigliu di la Municipariddai petizioni e pruposthi di diribarazioni sobbra l'affari demandaddi a la cumpetenzia di lu Cunsigliu di la Municipariddai.
2. Li petizioni voni sottischniti da a lu mancu sessanta elettori di la Municipariddai, chi li fimmi voni autenticaddi sigundu la leggi. Vo puru attesthadda l'ischnizioni i' li listhi erettoriali e l'apparthinenzia a una sezioni di la Municipariddai.
3. Li petizioni so traimissi a lu Presidenti di lu Cunsigliu di la Municipariddai chi subiddu fazi la cunvocationi di lu Cunsigliu pa' pudé ipprimí, drent'a sessanta dí da la so' prisintazioni e cun diribarazioni mutibadda, li so' deteiminazioni riguardhu a lu cuntinuddu di li petizioni matessi.

#### *Arthicuru 40*

##### *Interrogazioni di lu Cunsigliu di la Municipariddai di la Nurra a lu Sindaggu*

1. L'interrogazioni funtumaddi i' l'Arthicuru 53, comma 1, lettera f) di l'Isthatuddu comunari, sottischniti da a lu mancu dui tezzi di li Cunsiglieri in carrigga, so prisintaddi a lu Presidenti di la Municipariddai chi li poni a l'ordhini di la dí di lu Cunsigliu di la Municipariddai. Si lu Cunsigliu di la Municipariddai è a fabori, l'interrogazioni so traimissi a lu Sindaggu drent'a quindizi dí umpari cu' la diribarazioni chi dipponi la so' prisintazioni.

CABBU XI  
INFOIMAZIONI E DOCUMENTI - AMMISSIONI A L'ATTI D'UFFIZIU

*Arthicuru 41*

*Dirittu d'infoimazioni e ammissioni a l'atti*

1. Lu Presidenti di lu Cunsigliu di la Municipariddai, di so' inziatiba o a dumanda di unu o più Cunsiglieri di la Municipariddai, à dirittu di uttinì da la Comuna drent'a dezi dí da la prisintazioni di dumanda ischritta apposita, copia di tutti l'atti, providimenti e diribarazioni di lu Cunsigliu Comunari, di la Giunta Comunari, di lu Sindaggu, di li dirigenti, e dugna infoimazioni chi seivvi a lu Cunsigliu di la Municipariddai, pa' l'esecuzioni di compiti soi.
2. Li Noimi funtumaddi i' lu comma di primma so' esthesi a favori di l'orghani comunali in cunfrontu di l'orghani di la Municipariddai.

CABBU XII  
PASSONARI E IPPESE DI LA MUNICIPALIDDAI DI LA NURRA

*Arthicuru 42*

*Passonari addettu a la Municipariddai di la Nurra*

1. L'amministrazioni provvedi a assignà a la Municipariddai li risorsi umani nezzessari a dà un aggiuddu tenniggu-amministhratibu adattu pa' cumprì li funzioni soi.
2. In parthicurari, lu passonari addettu provvedi a:
  - isthirrì l'atti, veibari e resuggonti, reratibi a l'attibiddai assembrari di l'orghani di la Municipariddai pa' cumprì in manera puntuari li funzioni soi;
  - isthirrì li pruposthi di diribarazioni chi pigliani attu, in riferimentu a li diribarazioni di lu Cunsigliu di la Municipariddai undì si manifestha la Funzioni voritiba soia;
  - tinì funzioni di collegamentu tra la Municipariddai e l'uffizi comunali;
  - pruvvidì a l'adempimenti amministhratibu-cuntabiri rippettu a lu pagamentu di li gettoni di prisenzia a lu Presidenti e a li Cunsiglieri di la Municipariddai;
  - cumprì cu' l'accolta, l'aggiornamentu e la pubbriggazioni di li dichiarazioni sobbra li dati di li Cunsiglieri di la Municipariddai sigundu la leggi di lu 5.7.1982 n. 441 e di lu decretu legislativu di lu 14.3.2013 n. 33.

*Arthicuru 43*

*Ippesi di funzionamentu*

1. L'ippei reratibi a lu passonari, a la sedi e tuttu lu chi vi vo pa' l'attuazioni di li funzioni da parthi di l'orghani di la Municipariddai, so' tutti a carriggu di lu bilanciu comunali.

---

CABBU XIII  
NOIMI FINARI

*Arthicuru 44*

*Rinviu a li noimi di leggi*

1. Pa' lu chi no è pribisthu in manera ciara da chisthu  
Reguramentu, si fazi riferimentu a li leggi, a l'Isthtatuddu e a  
li reguramenti comunari.